

Mbetjet e Ngurta Urbane

Euro SDMX Metadata Structure (ESMS)

Metadata Referenciale

1. Kontakt.....	2
2. Përditësimi i metadatave	2
3. Paraqitja statistikore.....	2
4. Njësia matëse	4
5. Periudha e referencës	4
6. Mandati institucional.....	5
7. Konfidencialiteti	5
8. Politika e botimit.....	6
9. Shpeshësia e shpërndarjes	7
10. Aksesimi në të dhëna dhe qartësia	7
11. Menaxhimi i cilësisë	7
12. Rëndësia.....	8
13. Saktësia dhe besueshmëria.....	8
14. Afatet kohore dhe përpikëria.....	9
15. Koherenca dhe Krahueshmëria.....	9
16. Kostoja dhe ngarkesa	10
17. Rishikimi i të dhënave.....	10
18. Përpunimi statistikor	10
19. Komente.....	11
Aneks	11

1. Kontakt	
1.1. Institucioni i kontaktit	Instituti i Statistikave, INSTAT
1.2. Njësia e kontaktit	Sektori i Statistikave të Mjedisit dhe Pyjeve, Drejtoria e Statistikave të Bujqësisë dhe Mjedisit
1.3. Personi i kontaktit	Benard Shalca
1.4. Funkcioni i personit të kontaktit	Përgjegjës Sektori, Sektori i Statistikave të Mjedisit dhe Pyjeve
1.5. Adresa postare	Rruga Vllazën Huta, Ndërtesa 35, Hyrja 1, Tiranë, Shqipëri
1.6. Adresa elektronike (e-mail)	bshalca@instat.gov.al
1.7. Numri i telefonit	+(355) 4 233356 / 233/ 240
1.8. Numri i faksit	+355 4 2228300
2. Përditësimi i metadatave	
2.1. Certifikimi i fundit i metadatës	02.07.2026
2.2. Publikimi i fundit i metadatës	02.07.2026
2.3. Përditësimi i fundit i metadatës	02.07.2026
3. Paraqitja statistikore	
3.1. Përshkrimi i të dhënave	Mbetje të Ngurta Urbane, sipas përcaktimeve në legjislacionin Evropian, konsiderohen çdo substancë e ngurtë ose objekt që zotëruesi i tyre është i interesuar t'i braktisë dhe dëshiron ose është i detyruar t'i hedhë ato. Statistikat mbi Mbetjet e Ngurta Urbane në Shqipëri mbështeten në të dhëna administrative të marra drejtpërsëdrejti nga Bashkitë. Në Shqipëri Mbetjet e Ngurta Urbane hidhen në kazanët e grumbullimit të mbetjeve përgjithësisht të pandara sipas llojit dhe në shumë raste hidhen po aty edhe mbetjet industriale, që rezultojnë nga prodhime dhe shërbime të subjekteve të vogla biznesi në territorin urban.
3.2. Sistemi i klasifikimit	Klasifikimi i përdorur në Statistikat e Mbetjeve të Ngurta Urbane i referohet klasifikimeve dhe përkufizimeve sipas rregulloreve përkatëse të BE-së:

	• Rregullorja e Komisionit Europian Nr. 782/2005, që përcakton formatin e detyrueshëm për transmetimin e rezultateve në Statistikat e Mbetjeve. • Rregullorja Nr. 2150/2002 mbi “Statistikat e Mbetjeve”.
3.3. Mbulimi i sektorit	Informacioni statistikor mbulon të dhënat mbi sasinë e mbetjeve të menaxhuara nga Bashkitë të shtrira në të gjithë territorin e Republikës së Shqipërisë.
3.4. Konceptet statistikore dhe përkufizimet	Mbetje të menaxhuara me fonde publike në total dhe referuar banorëve rezidentë janë: Mbetjet të cilat menaxhohen nën kujdesin e organeve të pushtetit vendor, financuar si shërbime nga buxheti i tyre për banorët vendas dhe të tjerë rezidentë në territorin e tyre administrativ. Sasia e mbetjeve të menaxhuara ndarë sipas burimeve kryesore gjeneruese është: Sasia totale e mbetjeve të menaxhuara ndarë në mbetje të ngurta urbane, të cilat janë mbetje familjare dhe ato të shërbimeve komunitare, dhe mbetjet industriale të cilat depozitohen dhe për pasojë menaxhohen bashkë me mbetjet urbane. Shkalla e mbulimit të popullatës rezidente me shërbime komunitare për menaxhimin e mbetjeve urbane është: Sasia në % e popullatës, me banim të përhershëm dhe të përkohshëm në një territor të caktuar, për mbetjet e të cilëve ofrohet shërbimi i duhur në të gjitha fazat e menaxhimit të tyre, financuar nga fondet publike. Përbërja relative e mbetjeve të menaxhuara sipas materialeve dominuese përkundrejt totalit është: Përqindja në peshë që zë lloji i mbetjes së emërtuar përkundrejt sasisë totale të mbetjeve. Trajtimi i mbetjeve në sasi dhe përqindje sipas mënyrave kryesore të trajtimit shpreh destinacionin final të mbetjeve, grupuar sipas mënyrave standarde të trajtimit. Mbetjet totale të gjeneruara në shkallë vendi dhe mbetjet të pa menaxhuara me fonde publike janë: Mbetjet urbane të menaxhuara me fonde publike dhe mbetjet që menaxhohen nga vetë burimet gjeneruese privatisht. Mbetjet që menaxhohen privatisht nga burimet gjeneruese rezultojnë si deduksion matematik mes mbetjeve të menaxhuara për banor dhe shkallës së mbulimit të banorëve rezidentë me shërbime komunitare për mbetjet. Struktura e subjekteve që menaxhojnë mbetje nënkupton përqindjen që zënë subjektet e klasifikuara sipas statusit të tyre juridik në totalin e subjekteve që kanë menaxhuar mbetje në vitet përkatëse. Mbetjet totale të gjeneruara përbëjnë sasinë teorike të mbetjeve urbane prodhuar nga aktiviteti njerëzor në vitin përkatës. Ky tregues i referohet mbetjeve

	të menaxhuara në zonat ku ky aktivitet kryhet si shërbim komunitar ndaj publikut dhe sasisë tjetër të mbetjeve të cilat menaxhohen nga vetë banorët pasi nuk mbulohen nga shërbimet publike për mbetjet. Sasia e mbetjeve totale të gjeneruara në këtë rast vjen si kalkulim teorik i mbetjeve totale të gjeneruara nga banorët, bazuar në treguesin e mbetjeve të menaxhuara për banor rezident në vit dhe në shkallën e mbulimit të banorëve me shërbime për mbetjet në vitin përkatës.
3.5. Njësia statistikore	Njësia statistikore e vrojtuar është Bashkia.
3.6. Popullata statistikore	Të dhënat mbi Mbetjet e Ngurta Urbane përfshijnë të gjithë informacionin e mbledhur nga Njësia Bashkiake në të gjithë territorin e Shqipërisë, në të cilat jepet informacion statistikor për: • Mbetje të menaxhuara me fonde publike në total dhe referuar banorëve rezidentë sipas viteve; • Sasia e mbetjeve të menaxhuara ndarë sipas burimeve kryesore gjeneruese; • Shkalla e mbulimit të popullatës rezidente me shërbime komunitare për menaxhimin e mbetjeve urbane; • Përbërja relative e mbetjeve të menaxhuara sipas materialeve dominuese përkundrejt totalit; • Trajtimi i mbetjeve në sasi dhe përqindje sipas mënyrave kryesore të trajtimit; • Mbetjet totale të gjeneruara në shkallë vendi dhe mbetjet e pa menaxhuara me fonde publike.
3.7. Zona e referencës	Statistikat mbi Mbetjet e Ngurta Urbane mbulojnë të gjithë territorin e Republikës së Shqipërisë.
3.8. Mbulimi në kohë	Të dhënat statistikore për Mbetjet e Ngurta Urbane datojnë që nga viti 2013.
3.9. Periudha bazë	Nuk aplikohet.
4. Njësia matëse	
4.1 Njësia matëse	Njësitë matëse për statistikën e Mbetjeve të Ngurta Urbane janë ton dhe përqindje.
5. Periudha e referencës	
5.1 Periudha e referencës	Periudha e referencës për statistikën e Mbetjeve të Ngurta Urbane është vjetore. Ky raport i përket vitit referencë 2025.

6. Mandati institucional	
6.1. Akte ligjore dhe marrëveshje të tjera	Baza ligjore në nivel kombëtar për prodhimin e Statistikave mbi Mbetjet e Ngurta Urbane janë: • Ligji Nr. 17/2018 "Për Statistikat Zyrtare"; • Programi Kombëtar i Statistikave Zyrtare 2022-2026. Klasifikimet dhe përkufizimet sipas rregulloreve përkatëse të BE-së: • Rregullorja Nr. 2150/2002 mbi “Statistikat e Mbetjeve”; • Direktiva e Këshillit të Europës Nr. 2008/98/EC për mbetjet dhe raportimin e detyrueshëm të statistikave për mbetjet. • Rregullorja e Komisionit European Nr. 782/2005, që përcakton formatin e detyrueshëm për transmetimin e rezultateve në statistikat e mbetjeve. • Rregullorja Komisionit European Nr. 783/2005, Shtojca II për rregulloren e mbetjeve. • Direktiva e Këshillit të Europës Nr. 2150/2002 për “Kriteret e duhura të vlerësimit të cilësisë dhe përmbajtjen e raporteve të cilësisë për statistikat e mbetjeve”. • Rregullorja e Komisionit European Nr. 849/2010 për “Menaxhimin e mbetjeve urbane”. • Manuali i Statistikave për Mbetjet 2013 i amenduar, Publikimi i Eurostat, viti 2013.
6.2. Shkëmbimi i të dhënave	Statistikat administrative të mbetjeve të ngurta urbane transmetohen në Eurostat, nëpërmjet platformës EDAMIS.
7. Konfidencialiteti	
7.1. Konfidencialiteti-politika	Të dhënat e mbledhura konsiderohen rreptësisht konfidenciale dhe përdoren vetëm për qëllime statistikore e kërkime shkencore në përputhje me Ligjin Nr. 17/2018 për Statistikat Zyrtare, si dhe Ligj Nr. 124/2024 për mbrojtjen e të Dhënave Personale. Neni 31 i ligjit për statistikat zyrtare përcakton qartë që i gjithë informacioni statistikor i mbledhur nga INSTAT është konfidencial dhe mund të përdoret ose botohet vetëm në tabela përmbledhëse të tilla që nuk identifikojnë njësinë burim të informacionit. Identifikim i drejtpërdrejtë quhet kur një njësi statistikore identifikohet drejtpërdrejt nga emri, adresa ose ndonjë numër identifikimi i njohur zyrtarisht. Kur përpunimi i të dhënave kryhet në mënyrë të tillë që mundëson identifikimin e subjektit të të dhënave, të dhënat duhet të kodohen menjëherë, në mënyrë që subjektet të mos jenë më të identifikueshëm.
7.2. Konfidencialiteti-trajtimi i të dhënave	INSTAT mbron dhe nuk shpërndan të dhënat që ka mbledhur ose që ka akses, të cilat mundësojnë identifikimin e drejtpërdrejtë ose të tërthortë të njësive statistikore. INSTAT ndërmerr të gjitha masat e duhura për të parandaluar dhe

	bërë të pamundur identifikimin e njësive statistikore përmes mjeteve teknike të tjera që mund të përdoren nga palët e treta. Të dhënat statistikore që mund të bëjnë të mundur identifikimin e njësisë statistikore, shpërndahen nga INSTAT vetëm në rast se: a) Këto të dhëna janë trajtuar, siç është përcaktuar në mënyrë të veçantë në Rregullore, këto të dhëna janë trajtuar në mënyrë të atillë, sa nuk krijon paragjykim në lidhje me konfidencialitetin statistikor; ose b) Njësia statistikore ka dhënë miratimin përkatës për bërjen publike të të dhënave; Të dhënat konfidenciale i përcillen INSTAT-it vetëm për qëllime statistikore dhe vetëm personat që kanë të drejtë aksesit tek to, mund të punojnë me to. Çështjet dhe problemet në lidhje me ruajtjen e konfidencialitetit statistikor verifikohen dhe trajtohen nga stafi i INSTAT. Përgjegjësitë e këtij stafi janë të përcaktojë shkallën e detajeve që mund të shpërndahet dhe të bëhet publike nga INSTAT. Përgjegjësitë e këtij stafi janë të rekomandojnë se: në cilin nivel detajimi mund të shpërndahen të dhënat statistikore, në mënyrë që identifikimi i drejtpërdrejtë ose indirekt, i njësisë statistikore të vërtetuar të mos jetë i mundur; kriteret e anonimizimit për mikrodatat që u janë dhënë përdoruesve; dhënia e hyrjes për hulumtuesit në të dhëna konfidenciale për qëllime shkencore.
8. Politika e botimit	
8.1. Kalendar i publikimeve	Njoftimet në lidhje me shpërndarjen e statistikave janë botuar në kalendarin e publikimit, i cili është në dispozicion në faqen e web të INSTAT. Njoftimet dhe vonesat janë para-njoftuar në këtë kalendar. Në rastin e vonesave specifikohet data e publikimit të ardhshëm si dhe shpjegimi lidhur me arsyet e vonesave.
8.2. Akses në kalendarin e publikimeve	Kalendari i publikimeve është në dispozicion në faqen e internetit të INSTAT-it.
8.3. Akses i përdoruesve	Në përputhje me nenin 34 të Ligjit Nr. 17/2018 për Statistikat Zyrtare, statistikave zyrtare shpërndahen në mënyrë që të gjithë përdoruesit të kenë të drejtë të menjëhershme dhe të barabartë dhe të përdoren të gjitha format e mundshme të mediave. INSTAT dhe agjencitë statistikore, që kanë në program përgjegjësitë e shpërndarjes, kërkojnë të plotësojnë çdo kërkesë të ndonjë organizate ose individi për të dhëna të pabotuara ose analiza specifike. Kanalet nga të cilat përdoruesit mund të marrin rezultatet e publikimit janë si më poshtë: 1. Website - online release; 2. Kërkesat e shkruara; 3. Publikimet specifike; 4. Seksioni kërkesa të dhënash.

9. Shpeshtësia e shpërndarjes	
9.1 Shpeshtësia e shpërndarjes	Publikimi i të dhënave mbi “Mbetjet e Ngurta Urbane” realizohet me frekuencë vjetore.
10. Aksesimi në të dhëna dhe qartësia	
10.1. Njoftim për media	Njoftimi për media përmban informacion në lidhje me treguesit kryesorë si: menaxhimi dhe trajtimi i mbetjeve, etj. Formatimi i njoftimit për shtyp përcaktohet nga sektori i publikimit, i cili vendos dhe datën e publikimit. Njoftimi për shtyp për Statistikat Mbetjeve të Ngurta Urbane publikohet online në faqen e internetit të INSTAT.
10.2. Publikime	Përdoruesit mund t'i gjejnë rezultatet në faqen e internetit të INSTAT në temën: " Mbetjet e Ngurta Urbane 2025 "
10.3. Baza e të dhënave online	Bazën e të dhënave e aksesoni në linkun: Databaza Statistikore .
10.4. Aksesimi në të dhënat mikro	Të dhënat mbi Statistikat e Mbetjeve të Ngurta Urbane janë të dhëna administrative dhe si të tilla niveli më i detajuar i të dhënave që merren është në nivel bashkie. Pra, INSTAT nuk disponon të dhëna në nivel mikro për Statistikat e Mbetjeve të Ngurta Urbane. Të dhënat e agreguara, janë lloji i vetëm i të dhënave që ofrohet për përdoruesit e jashtëm.
10.5. Të tjera	Përdoruesit mund të dërgojnë kërkesa të tjera specifike nëpërmjet një seksioni të dedikuar për: kontakt .
10.6. Dokumentimi i metodologjisë	Metodologjia për Mbetjet e Ngurta Urbane është e bazuar në manualët dhe rregulloret e Eurostat. Një shpjegim i shkurtër lidhur me përkufizimet, konceptet kryesore dhe shpjegimet metodologjike për përdoruesit publikohet në njoftimin për shtyp dhe publikimet e Mbetjeve të Ngurta Urbane. Informacione shtesë u jepen përdoruesve të brendshëm kur është e nevojshme. Në faqen e INSTAT ka një seksion lidhur me metodologjinë mbi Mbetjet e Ngurta Urbane.
10.7. Dokumentimi i cilësisë	Sektori i Statistikave të Mjedisit dhe Pyjeve dokumenton të gjithë procesin e punës dhe procedurat mbi statistikave të Mbetjeve të Ngurta Urbane për qëllimet e brendshme.
11. Menaxhimi i cilësisë	
11.1. Sigurimi i cilësisë	INSTAT është i angazhuar për sigurimin e cilësisë në prodhimin e statistikave zyrtare. Duke u bazuar në Ligjin “Për Statistikat Zyrtare, Nr. 17/2018” , INSTAT përdor metoda dhe procese statistikore në përputhje me parimet dhe standardet shkencore të pranura ndërkombëtarisht, si dhe kryen analiza të vazhdueshme,

	me qëllim përmirësimin e cilësisë dhe ofrimin e statistikave të përditësuara. Në kryerjen e detyrave të tij, INSTAT ndjek parimet e përgjithshme të menaxhimit të cilësisë, në përputhje me Kodin e Praktikës së Statistikave Evropiane (European Statistics Code of Practice). INSTAT për sigurimin e cilësisë udhëhiqet nga parimet e mëposhtme: paanshmëria, cilësia e proceseve dhe produkteve statistikore, orientimi për përdoruesit, orientimi për punonjësit, efektiviteti i proceseve statistikore dhe reduktimi i ngarkesës së të intervistuarve.
11.2. Vlerësimi i cilësisë	Të dhënat për Statistikat e Mbetjeve Urbane krahasohen me të dhënat e mbledhura me vitet e mëparshme për të dalluar nëse ka koherencë të dhënash apo nëse ka pasur ndryshime të mëdha. Në rast ndryshimesh, të dhënat administrative përdoren për të konfirmuar situatën e rasteve kur hasen ndryshime të mëdha të sjelljes së një viti me vitet e tjera.
12. Rëndësia	
12.1. Nevojat e përdoruesit	Përdoruesit e Statistikave mbi Mbetjet e Ngurta Urbane ndahen në përdorues të brendshëm dhe përdorues të jashtëm. Përdorues të jashtëm: • Institucionet e administratës publike; • Universitetet; • organizata jofitimprurëse kombëtare dhe ndërkombëtare; • Bizneset; • Studiuesit, studentët dhe grupe të tjera të ngjashme. Përdorues të brendshëm konsiderohen sektorët e INSTAT-it që përdorin të dhënat e Mbetjeve të Ngurta Urbane si input në punën e tyre.
12.2. Kënaqësia e përdoruesit	INSTAT kryen çdo vit vërtetimin për Matjen e Kënaqësisë së Përdoruesve, rezultatet e të cilit publikohen në web në linkun: Anketën e Kënaqësisë së Përdoruesve .
12.3. Plotshmëria	Plotshmëria e të dhënave për Statistikat e Mbetjeve të Ngurta Urbane gjykohet duke krahasuar cilësinë dhe sasinë e treguesve të mbuluar në INSTAT nga ato të rregulloreve të ndjekura. Niveli i plotshmërisë të treguesve në nivel të agreguar është në përputhje me rregulloren: “Rregullorja e Komisionit Evropian Nr. 782/2005”, dhe si të tillë sasia e treguesve që kërkohen nga Eurostat raportohen në shkallën 95%.
13. Saktësia dhe besueshmëria	
13.1. Saktësia e përgjithshme	Në përgjithësi, të dhënat janë kontrolluar me vitet e mëparshme për të identifikuar ndonjë ndryshim të rëndësishëm në ecurinë e të dhënave. Në rastet kur hasen ndryshime, INSTAT njofton Ministrinë e Mjedisit për të vënë në dijeni rreth

	gjetjeve të konstatuara në mënyrë që të realizohet korrigjimi i këtyre të dhënave nëse shihet i nevojshëm ose të konfirmohen në mënyrë zyrtare.								
13.2. Gabim i kampionimit	Nuk aplikohet sepse të dhënat bazohen në burime administrative.								
13.3. Gabim jo i kampionimit	Rishikimi i të dhënave ndodh vetëm në rast se institucionet përkatëse rishikojnë të dhënat e dërguara në INSTAT për efekt përditësimi apo ndonjë gabimi të mundshëm njerëzor. Nëse institucionet përkatëse rishikojnë të dhënat e dërguara në INSTAT, atëherë në publikimin më të afërt do të pasqyrohen këto ndryshime dhe do të jepet një informacion i shkurtër sqarues për përdoruesit. Gabimet e jo kampionimit trajtohen bazuar në politikën e Trajtimit të Gabimeve.								
14. Afatet kohore dhe përpikëria									
14.1. Afatet kohore	Rezultatet për Statistikat e Mbetjeve të Ngurta Urbane janë publikuar në faqen e internetit të INSTAT 183 ditë pas përfundimit të periudhës referuese (T + 183 ditë). Periudha referuese e rezultateve të Mbetjeve të Ngurta Urbane është 31 Dhjetori 2025. <table border="1"> <tr> <td>Periudha referuese</td><td>31/12/2025</td></tr> <tr> <td>Data e publikimit</td><td>02/07/2026</td></tr> <tr> <td>Afatet kohore</td><td>183</td></tr> </table>	Periudha referuese	31/12/2025	Data e publikimit	02/07/2026	Afatet kohore	183		
Periudha referuese	31/12/2025								
Data e publikimit	02/07/2026								
Afatet kohore	183								
14.2. Përpikëria	Të dhënat për Statistikat e Mbetjeve të Ngurta Urbane, publikohen bazuar në kalendarin e publikimeve. Publikimi i të dhënave mbi Mbetjet e Ngurta Urbane, ka qenë i përpiktë në kohë në masën 100% të publikimeve të kryera. <table border="1"> <tr> <td>Periudha referuese</td><td>12/31/2025</td></tr> <tr> <td>Data e shpallur</td><td>02/07/2026</td></tr> <tr> <td>Data e publikimit</td><td>02/07/2026</td></tr> <tr> <td>Vonesa në kohë</td><td>0</td></tr> </table>	Periudha referuese	12/31/2025	Data e shpallur	02/07/2026	Data e publikimit	02/07/2026	Vonesa në kohë	0
Periudha referuese	12/31/2025								
Data e shpallur	02/07/2026								
Data e publikimit	02/07/2026								
Vonesa në kohë	0								
15. Koherenca dhe Krahaseshmëria									
15.1. Krahaseshmëria gjeografike	Të dhënat mbi Statistikat e Mbetjeve të Ngurta Urbane janë gjithëpërfshirëse, ato prodhohen në nivel vendi. Statistikat krahasohen sipas shpërndarjes gjeografike.								
15.2. Krahaseshmëria kohore	Të dhënat për Mbetjet e Ngurta Urbane datojnë që nga viti 2013 referuar databazës statistikore duke siguruar një krahaseshmëri kohore prej 13 vitesh ($CC2=Jlast-Jfirst+1=13$). Të dhënave ju bëhen kontrole të vazhdueshme për të garantuar krahaseshmërinë e tyre në seri kohore.								
15.3. Koherenca e ndërthurjes së fushave	Nuk aplikohet.								
15.4. Koherenca e brendshme	Konsistenca e brendshme e të dhënave kontrollohet para se të finalizohen rezultatet për publikim. Kontrollohen gjithashtu lidhjet midis variablave dhe koherenca në seri të ndryshme.								

16. Kostoja dhe ngarkesa	
16.1 Kostoja dhe ngarkesa	Stafi i përfshirë në përgatitjen e Statistikave të Mbetjeve të Ngurta Urbane janë 3 punonjës të Sektorit të Statistikave të Mjedisit dhe Pyjeve pranë zyrave qendrore të INSTAT. Të dhënat mblidhen drejtpërdrejt nga bashkitë në të gjithë territorin e vendit, të dhënat dërgohen në INSTAT nëpërmjet pyetësorit elektronik online.
17. Rishikimi i të dhënave	
17.1. Politika e rishikimit	Politikat e rishikimit të Mbetjeve të Ngurta Urbane bëhen në përputhje me politikën e përgjithshme të rishikimit si dhe politikën e trajtimit të gabimeve të paraqitura nga INSTAT si më poshtë: • Politika e revizionimit; • Politika e trajtimit të gabimeve.
17.2. Praktika e rishikimit	Nuk janë kryer rishikime të të dhënave mbi “Statistikat e Mbetjeve të Ngurta Urbane” për vitin 2025, subjekt i këtij raporti.
18. Përpunimi statistikor	
18.1. Burimi i të dhënave	Për statistikat mbi Mbetjet e Ngurta Urbane, INSTAT përdor informacionin e siguruar nga burime të ndryshme administrative siç janë Bashkitë, Ministria e Mjedisit dhe Agjencia Kombëtare e Mjedisit. Duke krahasuar këto burime me njëra-tjetrën, arrihet të prodhohet një pamje e vetme e të dhënave mbi Mbetjet e Ngurta Urbane.
18.2. Shpeshtësia e grumbullimit të të dhënave	Të dhënat e Mbetjeve të Ngurta Urbane grumbullohen mbi bazë vjetore.
18.3. Grumbullimi i të dhënave	Mbledhja e të dhënave bazohet në dy mënyra të ndryshme të mbledhjes së informacionit: Mbledhja e të dhënave administrative nëpërmjet rekordeve administrative të institucioneve përkatëse që merren me politikat dhe mbikëqyrjen e menaxhimit të Mbetjeve në Shqipëri. Plotësimi i informacionit të kërkuar nëpërmjet web formës nga Njësitë Bashkiake.
18.4. Vlefshmëria e të dhënave	Të dhënat u janë bërë kontrolle logjike dhe matematike. Këto kontrolle kryhen gjatë të gjithë procesit të përpunimit të të dhënave, për të gjithë treguesit të cilët INSTAT publikon. Ndër metodat e verifikimit të të dhënave administrative mund të përmendim: Kontrolli për plotësinë e të dhënave, konsistenca me kalimin e kohës, korrigjimet aritmetike (nuk duhet të jenë shumë të larta), kontrollet përmbledhëse, kontrolli i serive kohore nëse ka devijime të mëdha, etj.

18.5. Përpilimi i të dhënave	Nuk aplikohet.
18.6. Rregullimi	Nuk aplikohet.
19. Komentë	
Aneks	